

Presidente di Parlamento Paul Croes

Reunion encuanto Urirama a bay di acuerdo cu reglamento di ordo den Parlamento

ORANJESTAD - Despues di e reunion di Parke di Molina di biento na Urirama, a bisa cu e reunion ta anti constitucional. Presidente di Paul Croes a bisa cu e expresionnan aki a bin di parti di fraccion di MEP. Segun Mep na momento cu Parlamento kier reuni den secreto of den un concepto sin publico, dos tercera parti di Parlamento mester vota pa haci esaki y pa e reunion sigui.

INTERPRETACION

Den e caso aki esaki tabata un interpretacion robes di parti di e parlamentarionan di fraccion di MEP. Awor aki ta papiando di dos cos diferente. Na momento cu

Parlamento dicidi di trata un caso cu por tin influencia riba seguridad nacional of abuso sexual di muchanan y e persona su nomber ta bay keda menciona, Parlamento den su dos tercera parti a dicidi cu e ta bira un reunion cera. Esaki ta nifica cu ningun medio di comunicacion, camara, radio of transmision via internet ta keda permiti den sala pa transmiti. Hasta ta bin cu un acuerdo di secresia.

CERA REUNION

Den e reunion di Urirama ningun momento esey a bira un reunion cera. Loke vice Presidente di Parlamento Chris Dammers a haci, ta implementa un regla pa mantene

ordo. Reglamento di ordo di Parlamento ta stipula cu Presidente di Parlamento mester guia e reunion publico, e ta su responsabilidad y e tin autoridad pa haci esaki. Tambe e mester mantene ordo den.


REGLAMENTO DI ORDO

Articulo 82 lid 2 ta bisa cu esun cu ta stroba e ordo y haci e reunion stroba, por saca e persona nan aki for di sala di Parlamento of den tribune. E presidente di Parlamento a asumi su autoridad y su responsabilidad ta despues di a duna constante aviso na e publico y tambe na algun Parlamentario den sala, a dicidi pa saca tur hende for di tribuna di Parlamento. E ta den su

derecho pa haci esaki. Presidente di Parlamento mester garantis trankilidad durante e reunion pa Parlamento yega na un decision final.

PUBLICO

E interpretacion di Parlamentario Ady Thijsen y Evelyn Wever Croes, tabata un interpretacion robes di e articulonnan di Constitucion y reglamento di ordo. Tin un articulo ta bisa cu tur reunion publico di Parlamento mester keda haci den un forma habri. Den e caso di Urirama e reunion tabata habri, paso radio a keda transmiti den e caso aki, prensa tabata t'ey den e reunion y e website di Parlamento a keda transmiti esaki.



E decision tabata pa haci e reunion sin publico den tribuna paso e publico no tabata comporta su mes den e forma adecua pa Parlamento por a yega na un decision. □